



Nr. 297

## Isumaginninnermi ikiorsiissutit tunniunneqartartut atuuttut pillugit kaajallaasitaq ulloq 1. januar 2023 aallarnerfigalugu atuutilersoq

Kaajallaasitakkut matumuuna akigititat annertussusissaat Isumaginninnermut, Suliffeqarnermut Nunamullu Namminermut Naalakkersuisoqarfik aamma Meeqqat, Inuusuttut Ilaqutariinnermullu Naalakkersuisoqarfimmi atuutsinneqartut eqikkarlugit nassuiarneqarput.

### Pisortanit ikiorsiissutit pillugit inatsisartut peqqussutaat naapertorlugu akigititat

#### *Angerlarsimaffimmi ikiorteqartitsinermut akiliutissat*

§ 1. Pisortanit ikiorsiissutit pillugit Inatsisartut peqqussutaanni nr.15, 20. november 2006-imeersumi § 29, imm. 3 aamma Angerlarsimaffimmi ikiorteqartarneq pillugu Namminersornerullutik Oqartussat nalunaarutaanni nr. 32, 26. juli 1994-imeersumi § 4 naapertorlugit angerlarsimaffimmi ataavartumik ikiorteqarnermi akiliutigineqartarpoq:

Inoqutigiiit aningaasarsiaat akileraaruteqaataasussat naatsorsorneqartut kingulliit	Nammineq akiliutit %-inngorlugit	1. januar 2023-miit nalunaaquttap akunneranut nammineq akiliutigineqartartussanut tunaartarisassat	1. april 2023-miit nalunaaquttap akunneranut nammineq akiliutigineqartartussanut tunaartarisassat
Kr. 0 - 130.000	0%	Kr. 0,00	Kr. 0,00
Kr. 130.001 - 180.000	33%	Kr. 34,49	Kr. 34,49
Kr. 180.001 - 280.000	67%	Kr. 68,98	Kr. 68,98
sinnerlugit 280.000	100%	Kr. 103,47	Kr. 103,47

Akiliutissap naatsorsorneqarnerani angerlarsimaffimmi ikiortimut ataatsimut kommunip aningaasartuuterpiaa aallaavigineqarsinnaavoq, kingornalu nammineq akiliutissaq "Nammineq akiliutit %-inngorlugit" naatsorsuinermi aallaavigineqarluni imaluunniit "Aki toqqammaviusoq malillugu nalunaaquttap akunneranut akiliut" aallaavigalugu naatsorsorneqarsinnaalluni.

Utoqqalinersiaqarneq pillugu Inatsisartut inatsisaat nr. 20, 23. november 2015-imeersumi § 18 naapertorlugu kommunalbestyrelsip utoqqalinersiallit akiliutitaqanngitsumik angerlarsimaffianni ikiorteqarnermut innersuutissavai, utoqqalinersiallip angerlarsimaffimminiiginnarnissaanut angerlarsimaffimmi ikiorteqarnissaq pisariaqartinneqarpat.



*Imm. 2.* Nalunaaquttap akunneranut nammineq akiliutissanut tunaartarisassat Naalakkersuisut SIK-llu suliamik ilinniagaqarsimasut suliamillu ilinniagaqarsimanngitsut nalunaaquttap akunnermusiallit pillugit isumaqatigiissutaat aallaavigalugu nalimmassarneqartarput.

*Napparsimasut napparsimmavimmiittut kaasarfimmiussa*

§ 2. Pisortanit ikiorsiissutit pillugit Inatsisartut peqqussutaanni nr. 15, 20. novembari 2006-imeersumi § 24, imm. 2 aamma Pisortanit ikiorsiissutit tunniunneqartarnerat pillugu, iliuousissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaat nr. 4, 15. marts 2007-imeersumi §§ 18-20 naapertorlugit Danmarkimi Kalaallit Nunaanniluunniit napparsimasunut napparsimmavinniittunut kaasarfimmiussanik akiliuteqartoqarsinnaavoq.

Napparsimasut Kalaallit Nunaanni Danmarkimiluunniit napparsimavimmi uninngasut kaasarfimmiussaasa annertussusissaat	Ulloq unnuarlu akigitinneqartoq Kr. 54,87
---	--

*Imm. 2.* Aningaasat imm. 1-imi taaneqartut procenti aaqqiissutaasartoq atorlugu ukiumoortumik nalimmassarneqartarput.

**Meeqqanut akilersuutit il.il. kiisalu meeravissiarterni tapiissutit tunniunneqartarneri pillugit Inatsisartut peqqussutaat naapertorlugu akigitinneqartut**

*Meeqqanut akilersuutit il.il.*

§ 3. Meeqqanut akilersuutit il.il. kiisalu meeravissiarterni tapiissutit tunniunneqartarneri pillugit Inatsisartut peqqussutaat nr. 2, 3. marts 1994-imeersoq naapertorlugu akilersuutit atuutsinneqartut kiisalu Meeqqanut akilersuutit il.il. kiisalu meeravissiarterni tapiissutit tunniunneqartarneri pillugit Inatsisartut peqqussutaata allangortinneqarneranik Inatsisartut peqqussutaat nr. 3, 12. juni 1995-imeersoq naapertorlugu, ukua aalajangersarneqarput:

Ataavartumik akilersuutit nalinginnaasut (§ 4, imm. 2, nr. 1)	Ukiup affaanut kr. 6.138
Anaanaasup erninissaa qaammatinik marlunnik sioqqullugu ernineralu qaammammik ataatsimik kingoqqullugu pilersorneqarnissaanut akilersuutit (§ 4, imm. 2, nr. 2)	Qaammammut kr. 619
Erninnermut atatillugu aningaasartuuteqarnermut tapiissutit (§ 4, imm. 2, nr. 3)	Kr. 586 ataasiaannartumik tunniunneqartut
Meeqqap kuisinneranut tapiissutit (§ 4, imm. 2, nr. 4)	Kr. 781 ataasiaannartumik tunniunneqartut



Meeqqap apersortinnerani assingusumilluunnii pisoqarnerani tapiissutit (§ 4, imm. 2, nr. 5)	Kr. 3.103 ataasiaannartumik tunniunneqartut
Meeravissartaarnermi annerpaamik tapiissutit (§ 15, imm. 1)	Kr. 36.828 ataasiaannartumik tunniunneqartut

*Imm. 2.* Aningaasat imm. 1-imi taaneqartut Aningaasanut inatsimmi nalimmassarneqartassapput.

**Naartunermi, erninermi meeravissartaarnermilu sulinngiffeqartarneq  
ullormusiaqartarnerlu pillugit Inatsisartut inatsisaat naapertorlugu aningaasat  
annertussusilerneqarneri**

*Erninermi ullormusiat*

§ 4. Aningaasat naartunermi, erninermi meeravissartaarnermilu sulinngiffeqartarneq pillugu Inatsisartut inatsisaat nr. 5 af 9. november 2020-meersoq naapertorlugu tunniunneqartartut annertussusaat atuutsinneqartut:

	1 januar 2023	1. april 2023
Erninermi ullormusiat (§ 40)	Akunnermut 103,47 kr.	Akunnermut 103,47 kr.

Annerpaamik sapaatip akunneranut nalunaaquttap akunneri 40-t tunniunneqarsinnaapput.

*Ilinniagaqartut naartunertik, erninertik meeravissartaarnermilluunniiit pissutigalugu  
sulinngiffeqartut, takuuk § 50*

Erninermi ullormusiat ulloq manna tikillugu ilinniagaqarnerisutitut, suliffimmik misiliinermi tapinut suliffimmilluunniiit misiliinermi akissarsianut tiguneqartunut naapertuuttumik inunnut ataasiakkaanut naatsorsorneqassapput, meeqqamut, sulinngiffeqartup pilersuisussaatitaaffianut, tapisiat ilanngullugit.

Meeqqanut tapit, nalinginnaasumik akilersuutit	Qaammammut kr. 1.023
--	----------------------

Ilinniagaqartut Danmarkimi SU-mik pisartagaqartut angajoqqaatut immikkut SU-mik pisinnaapput. Takuuk <http://www.su.dk/su/saerlig-stoette-til-foraeldre-handicappede-mv/foraeldre/>



*Imm. 2.* Ullormusiat annertussusaat Naalakkersuisut SIK-llu sulisartut suliamik ilinniagaqarsimasut suliamillu ilinniagaqarsimannngitsut nalunaaquttap akunnermusiallit pillugit isumaqatigiissutaat aallaavigalugit nalimmassarneqartassapput.

### **Utoqqalinersiaqarneq pillugu Inatsisartut inatsisaat malillugu annertussutit**

§ 5. Utoqqalinersiaqarneq pillugu Inatsisartut inatsisaat nr. 20, 23. november 2015-imeersoq kingusinnerusukkullu §§ 5, 9 aamma 10-imi allannguutit taamatullu Aningaasanut inatsit atuuttoq naapertorlugit utoqqalinersiaqarnermut annertussutit isertitanullu killiliussat imatut aalajangersarneqassapput:

1) Utoqqalinersialinnut ukiumut tunngaviumik aningaasat qaffasinnerpaat imaapput:

	Ukiumut	Qaammammut
Utoqqalinersialinnut tunngaviumik aningaasat (Ilannussaq 1 – Nalunaarsuiffik 1)	Kr. 76.372	Kr. 6.364

2) Utoqqalinersiallit utoqqalinersianut ukiumut tapiissutaasa amerlanerpaaffii:

	Ukiumut:	Qaammammut
Utoqqalinersiutisialinnut aappalinnut tapit (Ilannussaq 1 - Nalunaarsuiffik 2)	Kr. 46.307	Kr. 3.859
Utoqqalinersialinnut inummik utoqqalinersiaqarsinnaati- taangitsumik inooqateqartunut utoqqalinersiat Nunanilu Avannarlerni Isumaginninnikkut Isumannaallisaaneq pillugu Isumaqatigiissut malillugu utoqqalinersiat saniatigut katillugit 300.000 kr-it ataallugit piffissami pineqartumi isertitaqarsimappata utoqqalinersianut tapiissutit (Ilannussaq 1 - Nalunaarsuiffik 3)	Kr. 83.309	Kr. 6.942
Utoqqalinersiutisialinnut kisimiittunut tapit (Ilannussaq 1 - Nalunaarsuiffik 4)	Kr. 83.309	Kr. 6.942

*Imm. 2.* Utoqqalinersiat Nunanilu Avannarlerni Isumaginninnikkut Isumannaallisaaneq pillugu Isumaqatigiissut malillugu utoqqalinersiat saniatigut utoqqalinersiallip piffissami pineqartumi isertitarisartagaanut tunngatillugu tunngaviumik aningaasat nalimmassarneqartassapput. Utoqqalinersianut tapit utoqqalinersiallip taassumalu inooqatigisaata piffissami pineqartumi siusinaartumik soraarnerussutisiat utoqqalinersiallu Nunanilu Avannarlerni Isumaginninnikkut



Isumannaallisaaneq pillugu Isumaqtigiissut malillugu utoqqalinersiat saniatigut katillugit isertitarisartagaannut tunngatillugu nalimmassarneqartassapput.

1) Isertitanik nalimmassaasarneq aallartittassaaq imatut isertitaqartoqarpat:

Tunngaviusumik aningaasanut (Ilanggussaq 1 – Nalunaarsuiffik 1)	Kr. 394.026
Aappariinnut utoqqalinersianut tapit (Ilanggussaq 1 - Nalunaarsuiffik 2)	Kr. 183.000
Utoqqalinersialinnut inummik utoqqalinersiaqarsinnaa- titaanngitsumik inooqateqartunut utoqqalinersiat Nunanilu Avannarlerni Isumaginninnikkut Isumannaallisaaneq pillugu Isumaqtigiissut malillugu utoqqalinersiat saniatigut katillugit 300.000 kr.-t ataallugit piffissami pineqartumi isertitaqarsimappata utoqqalinersianut tapiissutit (Ilanggussaq 1 - Nalunaarsuiffik 3)	Kr. 183.000
Utoqqalinersialinnut kisimiittunut utoqqalinersianut tapit (Ilanggussaq 1 - Nalunaarsuiffik 4)	Kr. 156.000

2) Utoqqalinersiat unitsinneqassapput ima pisoqarpat:

Tunngaviusumik aningaasartaanut (Ilanggussaq 1 – Nalunaarsuiffik 1)	Kr. 584.956
Aappariinnut utoqqalinersianut tapiliussat (Ilanggussaq 1 - Nalunaarsuiffik 2)	Kr. 393.486
Utoqqalinersialinnut inummik utoqqalinersiaqarsinnaa- titaanngitsumik inooqateqartunut utoqqalinersiat Nunanilu Avannarlerni Isumaginninnikkut Isumannaallisaaneq pillugu Isumaqtigiissut malillugu utoqqalinersiat saniatigut katillugit 300.000 kr.-t ataallugit piffissami pineqartumi isertitaqarsimappata utoqqalinersianut tapiissutit (Ilanggussaq 1 - Nalunaarsuiffik 3)	Kr. 300.000
Utoqqalinersiutisialinnut kisimiittunut utoqqalinersianut tapit (Ilanggussaq 1 - Nalunaarsuiffik 4)	Kr. 394.026

*Imm. 3.* Utoqqalinersiassat naatsorsorneqassapput utoqqalinersiaqalernissamut ikaarsaariarnerup kingornatigut piffissami pineqartumi isertitarissamaakkatut naatsorsuutigisat tunngavigalugit. Utoqqalinersiat siullermeertumik akiliutigineqarnerata kingornatigut ukiullu tulliuuttup naanissaata tungaanut utoqqalinersiat naatsorsorneqartassapput piffissami pineqartumi isertitarineqartut



tunngavigalugit, ukiumut ilivitsumut ataatsimut isertitassatut naatsorsuutigineqartunut naatsorsuusioqqillugit.

*Imm. 4.* Utoqqalernersiat akiliutigineqartussat ulloq 1. januaarinngorneri tamaasa nalimmassarneqartassapput, ukiumi kingullermi isertitaqarfiusumi ilisimaneqartumi isertitarineqarsimasut tunngavigalugit. Ukiup ingerlanerani isertitarineqarsimasut annertuumik allannguuteqarsimassappata utoqqalinersiat akiliutigineqartussat taamaaqataanik allannortinneqassapput, allannguuteqarnerup aallartinnerata kingornatigut qaammatip ulluisa aallaqqaataanniit atuutilersumik.

*Imm. 5.* Utoqqalinersiutisiallip nammineq angerlarsimaffigisami avataani pisortat angerlarsimaffiutaanni il.il. pisortat aningaasartuutunik matussusigaannik sivilisinerusumik najugaqarnerani utoqqalinersiutit qaammammi nuuffiusumi qaammammilu tulliuuttumi allannortinnagit akiliutigineqartassapput. Tamatuma kingornatigut tunngaviusumik aningaasartaasa utoqqalinersiutisiallip pisinnaatitaaffigisaasa 46 %-ii akiliutigineqartassapput.

Aappariinni aappaasup aappaa inunnik isumaginninnermi ulloq unnuarlu paaqqinniffimmut nuussimappat aappaasoq uninngaannartoq utoqqalinersiat aningaasartaannik aalajangersaanermi kisermaatut isigineqassaaq.

*Imm. 6.* Utoqqalinersiaqarneq pillugu Inatsisartut inatsisaanni § 14 malillugu akigitinneqartoq manna atuuppoq:

Meeqqanut tapit, nalinginnaasumik akilersuutit	Qaammammut kr. 1.023
--	----------------------

*Imm. 7.* Tunngaviusumik aningaasat utoqqalinersianullu tapit procenti aaqqiissutaasartoq atorlugu ukiumoortumik nalimmassarneqartarput, takuuk Aningaasanut inatsit atuuttoq.

### **Siusinaartumik pensionisiat pillugit Inatsisartut inatsisaat malillugu akigitat**

§ 6. Siusinaartumik pensionisiat pillugit Inatsisartut inatsisaat nr. 40, 9. december 2015-imeersumi §§ 15-17 aamma § 43 malillugit annertussutsit isertitanullu killiliussat uku aalajangerneqarput:

1) Siusinaartumik pensionisialinnut ukiumut tunngaviusumik aningaasat amerlanerpaaffii ukuupput:

	Ukiumut	Qaammammut
a) Siusinaartumik soraarnerussutisialinnut qaffasinnerpaamik pisartagaqarsinnaatitaasut.	Kr. 127.200	Kr. 10.600



b) Siusinaartumik soraarnerussutisialinnut, akunnattumik pisartagaqarsinnaatitaasut.	Kr. 84.800	Kr. 7.067
c) Siusinaartumik pensionisialimmut ikinnerpaamik pisartagaqarsinnaatitaasut.	Kr. 63.600	Kr. 5.300

Utoqqalinersiat utoqqalinersiaqartup, utoqqalinersiaqartulluunniit aapparisaata saniatigut isertitai tunngavigalugit nalimmassarneqartarput. Taamaakkaluartoq amerlanerpaamik utoqqalinersianit isertitanut nalimmassaanermi immikkut malittarisassaqarpoq.

Siusinaartumik soraarnerussutisiallit amerlanerpaamik siusinaartumik soraarnerussutisiallit siusinaartumik soraarnerussutisiaasa aningaasartaat tunngaviummik utoqqalinersianut utoqqalinersianullu tapinut immikkoortinneqarsimapput. Tunngaviummik utoqqalinersiat utoqqalinersianullu tapit amerlanerpaamik utoqqalinersiat 50%-iinig aningaasartalerneqarsimapput. Siusinaartumik soraarnerussutisiaanik ikiliartortitsinermi inooqatigisap piffissami pineqartumi isertitariunnagai isertitatut ilaatinneqanngillat. Tunngaviummik utoqqalinersiat siusinaartumik soraarnerussutisiaat ikinnerpaat assigalugit sukkaqataanillu appariartuaartinneqartarput.

Saniatigut isertitat tassaapput isertitat suugaluarnersut, pisortanit utoqqalinersiat pinnagit. Siusinaarlutik soraarnerussutisialinnut amerlanerpaamik, akunnattumik ikinnerpaanillu utoqqalinersiaqartumik aappaqaraanni aapparisaq isertitai siulliit 100.000 kr-iusut isertitanut naatsorsuinerneq ilaatinneqarneq ajorput.

*Imm. 2.* Aningaasat imm. 1, nr. 1, taaneqartut procenti aaqqiissutaasartoq atorlugu nalimmassarneqartassapput, takuuk siusinaartumik pensionisiaqarneq pillugu Inatsisartut inatsisaat nr. 40, 9. december 2009-meersumi § 18.

*Imm. 3.* Innuttaasup isertitai allannguuteqarsimappata siusinaartumik soraarnerussutisiai nalimmassarneqassapput – Ilanngussaq 2 siusinaartumik soraarnerussutisiallit ataani nalimmassaanermut ilanngussatut atortut takukkit.

	Utoqqalinersiaqarnermut tapinik namlimmassaaneq aallartinneqartassaaq saniatigut isertitaqarnermi	Utoqqalinersiaqarnermi tapit unitsinneqartassapput saniatigut isertitaqarnermi
Siusinaartumik soraarnerussutisialinnut	Kr. 38.000	Kr. 100.600



qaffasinnerpaamik pisartagaqartunut saniatigut isertitaat 100.170 kr-iuppata		
---	--	--

	Tungaviusumik utoqqalinersiat nalimmassarnerat aallartinneqartassaaq saniatigut isertitaqarnermi	Tungaviusumik utoqqalinersiat unitsinneqassapput saniatigut isertitaqarnermi
Siusinaartumik soraarnerussutisialinnut, qaffasinnerpaamik pisartagaqartunut saniatigut isertitat 101.600 kr-it qaangeraanni	Kr. 101.600	Kr. 228.800

	Imatut isertitaqarnermi isertitanik nalimmassaaneq aallartinneqassaaq	Imatut isertitaqalerner atorunnaarsinneqartarlutik
Siusinaartumik soraarnerussutisiaqartu- mut, akunnattumik pisartagaqartunut	Kr. 80.400	Kr. 207.600
Siusinaartumik soraarnerussutisiaqartu- mut, ikinnerpaanik pisartagaqartunut	Kr. 101.600	Kr. 228.800

*Imm. 4.* Siusinaartumik soraarnerussutisiaqalersitsinermi siusinaartumik soraarnerussutisiassat amerlassusaat siusinaartumik soraarnerussutisiaqalernerup kingorna isertitarisassatut naatsorsuutigineqartut tungavigalugit naatsorsorneqassapput.

*Imm. 5.* Siusinaartumik soraarnerussutisiaqartoq angerlarsimaffiup avataanut paaqqinniffimmut inissinneqarpat, qaammammi nuuffiusumi qaammammilu tulliuttumi soraarnerussutisiat allannguuteqassanngillat. Tamatuma kingorna ukiumut kr. 25.440 (qaammammut kr. 2.120) tunniunneqartassapput, qanorluunniit isertitaqarsimagaluaanni.





*Imm. 6.* Isertitarisat tunngavigalugit ukiut tamaasa januaarip aallaqqaataani soraarnerussutisiat nalimmassarneqartarput. Ukiup ingerlanerani isertitarineqarsimasut annertuumik allannguuteqarsimassappata soraarnerussutisiatut akiliutigineqartussat taamaaqataanik allangortinneqassapput, allannguuteqarnerup aallartinnerata kingornatigut qaammatip ulluisa aallaqqaataanniit atuutilersumik.

*Imm. 7.* *Siusinaartumik pensionisiat* pillugit Inatsisartut inatsisaat nr. 40, 9. december 2015-imeersumi § 28 malillugu akigititaq tulliuutoq aalajangerneqarpoq:

Meeqqanut tapit, nalinginnaasumik akilersuutit	Qaammammut kr. 1.023
--	----------------------

### **Meeqqanut tapiissutit pillugit Inatsisartut inatsisaat naapertorlugu akigitat**

§ 7. Meeqqanut tapiissutit pillugit Inatsisartut inatsisaanni nr. 9, 7. december 2009-meersumi § 3, imm. 1, aamma Meeqqanut tapiissutit pillugit Namminersorlutik Oqartussat nalunaarutaat nr. 10, 14. december 2018-imeersoq kiisalu qaqugukkulluunniit Aningaasanut Inatsit atuuttoq naapertorlugit akigitinneqartut makku aalajangersarneqarput:

Meeqqamut tapit amerlanerpaaffiat meeqqamut ataatsimut	Ukiuumut kr. 9.302
--	--------------------

Isertitanut nalimmassaaneq 142.661 kr-mit aallartittarpoq meeqqallu siulliup saniatigut meeqqanut allanut kr. 27.435-nik amerlineqartarlutik.

Isertitanut killiliunneqartut tulliuuttut tikiqqaraangata meeqqanut tapiissutit atuukkunnaassapput:

Ilaqutariinnut ataatsimik meerartalinnut (Ilangussaq 3 – Nalunaarsuiffik 1)	Kr. 408.432
Ilaqutariinnut marlunnik meerartalinnut (Ilangussaq 3 – Nalunaarsuiffik 2)	Kr. 435.853
Ilaqutariinnut pingasunik meerartalinnut (Ilangussaq 3 – Nalunaarsuiffik 3)	Kr. 463.293
Ilaqutariinnut sisamanik meerartalinnut (Ilangussaq 3 – Nalunaarsuiffik 4)	Kr. 490.736
Ilaqutariinnut tallimanik meerartalinnut (Ilangussaq 3 – Nalunaarsuiffik 5)	Kr. 518.171
Ilaqutariinnut arfinilinnik meerartalinnut (Ilangussaq 3 – Nalunaarsuiffik 6)	Kr. 545.602

*Imm. 2.* Qaammammut tapit kr. 100 ataallugit amerlassusillit tunniunneqartassanngillat.



*Imm. 3.* Meeqqanut tapiissutit amerlanerpaaffissaat isertitallu nalimmassarneqarnissaannut killiliussaq procenti aaqqiissutaasartooq atorlugu ukiumoortumik nalimmassarneqartarput.

### **Ineqarnermut tapiissutit pillugit Inatsisartut inatsisaat malillugu akigitat**

§ 8. Inissiani attartortittakkani ineqarnermut tapiissutit pillugit Inatsisartut inatsisaanni nr. 23 7. december 2015-imeersumi § 5, imm. 1 aamma Ineqarnermut tapiissutisinnissamut ikiliartuaartitsinnissamut killiliussat, aningaasanut killiliussat, akiliutip ilaata agguaqatigiissinnera nammineq akiligassaq kiisalu ineqarnermut tapiissutit aningaasartaasa minnerpaaffissaat annerpaaffissaallu pillugit Namminersorlutik Oqartussat nalunaarutaanni nr. 20, 24. november 2017-imeersumi §§ 1-2 naapertorlugit ineqarnermut tapiissutit appariartuaartinneqarnissaannut killiussat makku aalajangiunneqarput:

	Isertitanik nalimmassaaneq ataani isertitat aallartiffigalugit	Ineqarnermut tapiissutit atorunnaassapput ataa- nisut isertitaqaleraanni
Inoqutigiit meerartaqanngitsut (Ilanguusaq 4 – Nalunaarsuiffik 1)	Kr. 65.842	Kr. 201.160
Inoqutigiinnut meerartalinut (Ilanguusaq 4 – Nalunaarsuiffik 1)	Kr. 27.435	Kr. 419.435

*Imm. 2.* Isertitat nalimmassarneqarnissaannut killiliussaq procenti aaqqiissutaasartooq atorlugu ukiumoortumik nalimmassarneqartarput.

### **Meeqqat tapersersorneqarnissaannut Inatsisartut inatsisaat malillugu akigitinneqartut**

#### *Illersuisutut akissarsiat*

§ 9. Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersumi § 44, imm. 5 malillugu illersuisooq sulinermini imatut akissarsiaqartinneqassaaq:

	1. januar 2023	1. april 2023
Illersuisup akunnermi siullermi akissarsiaa	Kr. 590	Kr. 590
Tamatuma kingorna akunnermut	Kr. 413	Kr. 413

Illersuisup akunnermi siullermi akissarsiasai akissarsiatigut inissisimaffimmu 33-mut, Namminersorlutik Oqartussani kommuninilu atorfilinnut atorfillit pillugit isumaqatigiissummi



allaqqasooq malillugu, inissinneqarsimapput. Nalunaaquttap akunnerani siullermi akigitinneqarpoq akissarsiatigut inissisimaffik 33 / 173,33 x 3.

Tamatuma kingorna illersuisup akunnermut ataatsimut akissarsiasai akunnerup siulliup 70%-eraat.

Ataatsimiinnerit kisimik akissarsissutigineqassapput. Suliassanik piareersaanerit kingornalu suliarinninnerit akissarsissutigineqarneq ajorput.

*Imm. 2.* Akigititaq qulaani taaneqartoq Naalakkersuisut aamma Atorfillit Kattuffiata isumaqatigiissutaat Namminersorlutik Oqartussani kommuninilu atorfilittut suliaqarnermut isumaqatigiissut malillugu nalimmassarneqartassaaq.

*Ilaqutariinnut inuussutissarsiuutigalugu paarsisartunut paaqqinninneriutit*

§ 10. Meeqqat tapersorsorneqarnissaannut Inatsisartut inatsisaanni nr. 20, 26. juni 2017-imeersumi § 37, imm. 7 aamma Ilaqutariit paarsisartut pillugit Namminersorlutik Oqartussat nalunaarutaanni nr. 13, 10. oktober 2019-imeersumi § 22 naapertorlugit ilaqutariinnut inuussutissarsiuutigalugu paarsisartunut akissarsiat tunniunneqarsinnaapput.

	1. april 2022	1. april 2023
Qaammammut tunngaviusumik akissarsiat	kr. 25.417,91	kr. 25.715,78
Ukiumut meeqqamut ataatsimut immikkut tapit	kr. 49.566,72	kr. 49.566,72
Ukiumut meeqqanut marlunnut immikkut tapit	kr. 137.669,04	kr. 137.669,04

Meeqqat inissinneqartut pingasunngussappata ilaqutariinni marlunnik inuussutissarsiuutigalugu paarsisartoqarnissaa tunngaviusaaq. Taama pisoqartillugu immikkut tapit allat ukiumut 18.499,32 kr. tunniunneqartassapput.

Isumaqatigiissut malillugu piffissami isumaqatigiiffiusumi tapit nalimmassarneqanngillat, takuuk isumaqatigiissut.

*Imm. 2.* Akissarsiat qulaani taaneqartut ilaqutariinnut inuussutissarsiuutigalugu paarsisartunut akissarsiat il.il. Naalakkersuisut aamma Nunatsinni Perorsaasut Kattuffiata akornanni Kalaallit Nunaanni ulloq unnuarlu paaqqinniffinni perorsaasutut sulisut pillugit isumaqatigiissummi atuuttumi aalajangersarneqarput.

*Nalinginnaasumik ilaqutariinnut paarsisartunut paaqqinninneriutit*



§ 11. Meeqqat tapersorneqarnissaannut Inatsisartut inatsisaanni nr. 20, 26. juni 2017-imeersumi §§ 25 aamma 37 kiisalu Ilaqutariit paarsisartut pillugit Namminersorlutik Oqartussat nalunaarutaanni nr. 13, 10. oktober 2019-imeersumi §§ 20-21 naapertorlugit akissarsiaritineqartut il.il. aalajangersarneqarput:

Nalinginnaasumik paarsinersiutit qaammammut	Kr. 5.518
---	-----------

Immikkut ittumik piumasaqaateqartoqarneratigut ilaqutariinnut paarsalinnut perorsaanikkut isumassuinnikkullu immikkut piumasaqaateqarfiusutigut paarsaqarnermi akissarsiat 700 % tikillugu qaffanneqarsinnaapput.

Pilertortumik inissiineq ulloq unnuarlu	Kr. 525
---	---------

Pilertortumik inissiinnermut meeqqamut pineqartumut annerpaamik ullunut 30-inut akissarsiaqartitsisoqarsinnaavoq. Tamatuma kingorna nalinginnaasumik akissarsiaqartitsisoqassalluni.

Oqilisaassilluni paaqqinninnermut akigititaq missingersuutaasoq	Kr. 368
---	---------

Oqilisaassilluni paaqqinninnermut akigititaq kommunalbestyrelsip nammineerluni aalajangersinnaavaa, taamaammat akigititaq missingersuutaannaavoq. Oqilisaassilluni paaqqinninnermut akigititaq missingersuutaasoq tassaavoq 2 x nalinginnaasumik qaammammut paaqqinninersiutisiaq / 30.

Meeqqap atuarfimmiiinnerani piareersimanermut akiliut qaammammut	Kr. 828
--	---------

Meeqqap atuarfimmiiinnerata nalaani piareersimanermut akiliut qaqugukkulluunniit paaqqinninersiutip 15%-eraa.

*Imm. 2. Aningaasat imm. 1-imi taaneqartut procenti aaqqiissutaasartooq atorlugu ukiut tamaasa nalimmassarneqartassapput.*

*Namminersorlutik Oqartussat ulloq unnuarlu paaqqinniffiini meeqqanik inuusuttunillu najugaqartitsineq*

§ 12. Meeqqat tapersorneqarnissaannut Inatsisartut inatsisaanni nr. 20, 26. juni 2017-imeersumi §§ 57 aamma 58 kiisalu Meeqqanut ulloq unnuarlu paaqqinniffinnik pilersitsineq ingerlatsinerlu



pillugit Namminersorlutik Oqartussat nalunaarutaanni nr. 1, 25. januar 2019-imeersumi § 49  
 naapertorlugit makku aalajangersarneqarput:

Meeqqanik inuusuttunillu isumaginninnikkut pissuteqartumik ulloq unnuarlu paaqqinniffinnut  
 inissiinermi akit:

Ulloq unnuarlu paaqqinniffiit	Ulloq unnuarlu akigitinneqartoq
Inuusuttut Inaat, Qaqortoq	Kr. 2.498
Angerlarsimaffik Aja, Nuuk	Kr. 3.166
Kaassasuk, Nuuk	Kr. 4.356
Meeqqat Illuat, Nuuk	kr. 3.036
Angerlarsimaffik Ivaneq, Nuuk	Kr. 2.788
Qasapermiut, Sisimiut	Kr. 3.482
Pilutaq, Sisimiut	Kr. 3.437
Sarliaq, Ilulissat	Kr. 2.923
Meeqqat Angerlarsimaffiat, Uummannaq	Kr. 3.165
Prinsesse Margrethes Børnehjem, Tasiilaq	Kr. 2.533
Angerlarsimaffik Isikkivik, Sisimiut	Kr. 3.331

*Imm. 2.* Aningaasat imm. 1-imi taaneqartut Naalakkersuisunit kommuninillu  
 isumaqatiginninniutigineqartarput.

*Imm. 3.* Meeqqanut ulloq unnuarlu paaqqinniffinnik pilersitsineq ingerlatsinerlu pillugit  
 Namminersorlutik Oqartussat nalunaarutaanni nr. 1, 25. januar 2019-imeersumi § 51 malillugu  
 meeqqap atuarfimmiinnerata nalaani piareersimanerminut ulloq unnuarlu paaqqinniffik akiliummik  
 tunineqarsinnaavoq.

Meeqqap atuarfimmiinnerani piareersimanermet akiliut	Ulloq unnuarlu akigitinneqartoq kr. 184
---	--

Ullormut unnuamullu ataatsimut akigititaq tassaavoq Nalinginnaasumik paaqqinninersiutisiaq / 30.

*Nerisaqarnek, kaasarfimmiussat atisassarsiutissallu kiisalu paaqqinniffimmut allatsinnermi  
 akiliutit*



§ 13. Meeqqat tapersorneqarnissaannut Inatsisartut inatsisaat nr. 20, 26. juni 2017-imeersumi §§ 37, 42 aamma 57, Ilaqutariit angajoqqaarsiaasartut pillugit Namminersorlutik Oqartussat nalunaarutaat nr. 13, 10. oktober 2019-imeersumi § 19 aamma Ulloq unnuarlu paaqqinniffinnik pilersitsisarneq ingerlatsinerlu pillugit Namminersorlutik Oqartussat nalunaarutaat nr. 1, 25 januar 2019-imeersumi § 57 malillugit ukua aalajangersarneqarput:

Allatsinnermi akiliut annerpaamik	Kr. 7.972
-----------------------------------	-----------

Kaasarfimmiussat atisassarsiutissallu:

Meeqqat inuusuttullu 16-it inorlugit ukiullit ulloq unnuarlu	Kr. 57,05
Inuusuttut 16-18-inik ukiullit ulloq unnuarlu	Kr. 66,96
Inuit 18-it sinnerlugit ukiullit siusinaartumik soraarnerussutisiaqanngitsut	Kr. 2.120
Paarsaqartunut qaammammut nerisassarsiniutissat	Kr. 1.338

*Imm. 2.* Aningaasat imm. 1-imi taaneqartut procenti aaqqiissutaasartoq atorlugu ukiumut nalimmassarneqartarput.

### **Inuit innarluutillit tapersorneqarnissaannut Inatsisartut inatsisaat malillugu akigitat**

#### *Aningaasartuuteqarnerungaatsiarnerit*

§ 14. Inuit innarluutillit tapersorneqarnissaannut Namminersorlutik Oqartussat nalunaarutaanni nr. 29, 7. august 2020-meersumi § 23 malillugu aningaasartuutaanerusunut akuersissuteqartoqarsinnaavoq aningaasartuutaanerusussat ukiumut ikinnerpaamik kr. 6.000-iuppata, assigalugit qaammammut 500 kr.-t.

Qaammammut aningaasartuutaanerusussatut missiliunneqartunut tapiissutit aalajangerneqassapput aningaasartanullu 100-imik agguarneqarsinnaasunut qaninnerpaanut akunnaallillugit tunniunneqassallutik.

#### *Oqilisaassinermut akiliutit*

§ 15. Inuit innarluutillit tapersorneqarnissaannut Inatsisartut inatsisaanni nr. 13, 12. juni 2019-imeersumi § 41 malillugu makku aalajangersarneqarput:

Oqilisaassinerup nalaani pilersuineq	Ulloq unnuarlu akigitinneqartoq kr. 59,24
Ilaqutariinnut oqilisaassisunut akissarsiat	Ulloq unnuarlu akigitinneqartoq kr. 1.121



Ulloq unnuarlu neqeroorutitut akissarsiarititat	Kaajallaasitami matumani § 18, imm. 1 malillugu inunnut innarluutilinnut ulloq unnuarlu neqeroorummi pineqartumi najugaqarnermi ullormut unnuamullu ataatsimut akigititaq nalinginnaasoq
---	--

*Imm. 2.* Aningaasat imm. 1-imi taaneqartut procenti aaqiissutaasartoq atorlugu ukiumut nalimmassarneqartarput.

### *Suliffissaqartitsinermi akissarsiat*

**§ 16.** Inuit innarluutillit tapersorneqarnissaannut Namminersorlutik Oqartussat nalunaarutaanni nr. 29, 7. august 2020-meersumi § 14 imm. 4 aamma § 17 imm. 4 naapertorlugit imatut aalajangersaasoqarpoq:

Inuit innarluutillit tapersorneqarnissaannut Namminersorlutik Oqartussat nalunaarutaanni nr. 29, 7. august 2020-meersumi § 14 imm. 4 aamma § 17 imm. 4 naapertorlugit inunnut innarluutilinnut nakkutigineqarluni sullissivinni imaluunniit nakkutigineqarluni suliffinni sulisunut tunniunneqartarput:

	1. januar 2023	1. april 2023
Suliffissaqartitsinermi akissarsiat	Kr. 25,87	Kr. 25,87

Suliamik ilinniagaqanngitsunut SIK-p isumaqatigiissutai malillugit akissarsiap minnerpaaffiata 25 %-ianut suliffissaqartitsinermi akissarsiarineqartassapput.

*Imm. 2.* Suliffissaqartitsinermi akissarsiat akunnermusiallit suliamik ilinniagallit ilinniagaqanngitsullu pillugit Naalakkersuisut SIK-llu akornanni isumaqatigiissutaannit nalimmassarneqartarpoq.

### *Inunnut nammineq angerlarsimaffigisani isumassuisunut akissarsiarititat*

**§ 17.** Inuit innarluutillit tapersorneqarnissaannut Inatsisartut inatsisaanni nr. 13, 12. juni 2019-meersumi § 40 malillugu imatut aalajangersaasoqarpoq:

Nammineq angerlarfigisami paarsaqarnermi nalunaaquttap akunneranut akissarsiat piffissami atorfinitsitsinermi ukiumut inuup akileraarutit ilanngaatinagit isertitai tamakkerlugit aallaavigalugit naatsorsorneqartarpoq. Nalunaaquttap akunneranut akissarsiat piffissami



atorfinititsinermit aalajangersagaq una malillugu ima aalajangersarneqartarpoq: Siusinnerusukkut ukiumut akileraarutit ilanngaatinagit isertitat tamakkerlugit / 2080.

Taamaattoq nalunaaquttap akunneranut akissarsiat ataatungaani allaqqasuni ikinnerpaaffissamut amerlanerpaaffissamullu killigititaq qaangerneqaqqusaanngilaq.

	1. januar 2023	1. april 2023
Ikinnerpaaffissamut killigititaq	Kr. 103,47	Kr.103,47
amerlanerpaaffissamut killigititaq	Kr. 166	Kr. 166

Sapaatip akunneranut nalunaaquttap akunneri amerlanerpaamik 40-t akissarsissutaasinnaapput.

*Imm. 2.* Aningaasat imm. 1-imi taaneqartut Akunnermusiallit suliamik ilinniagallit ilinniagaqanngitsullu pillugit Naalakkersuisut SIK-llu akornanni isumaqatigiissutaannit suliamik ilinniagaqanngitsut Akunnermusiallit akissarsiat ikinnerpaaffiisa qaffanneqarnera aallaavigalugu nalimmassarneqartarpoq.

*Inunnik innarluutilinnik ulloq unnuarlu paaqqinniffinni Namminersorlutik Oqartussanit pigineqartumi najugaqartitsineq*

**§ 18.** Inuit innarluutillit tapersorneqarnissaannut Inatsisartut inatsisaanni nr. 13, 12. juni 2019-imeersumi § 19 malillugu imatut aalajangersaasoqarpoq:

Inunnik innarluutilinnik Namminersorlutik Oqartussat ulloq unnuarlu paaqqinniffiitut inissinermit akigititat:

Ulloq unnuarlu paaqqinniffiit	Ulloq unnuarlu akigitinneqartoq
Ivaaraq, Qaqortoq	Kr. 3.825
Palleq, Paamiut	Kr. 3.409
Sungiusarfik Aaqa, Nuuk	Kr. 3.316
Elisibanguaq, Maniitsoq	Kr. 2.622
Gertrud Rask Minde, Sisimiut	Kr. 3.964
Ikinngut, Ilulissat	Kr. 2.967
Nasippi, Tasiilaq	Kr. 2.748
Uulineq	Kr. 3.968
Suluppuluk, satellit under Uulineq	Kr. 3.555
Qiimaneq, satellit under Uulineq	Kr. 5.190
Handicapsatellit, Uummannaq	Kr. 2.591
Holbøllsvej satellit under Aja	Kr. 3.172





*Imm. 2.* Aningaasat imm. 1-imi taaneqartut Naalakkersuisut kommunillu akornanni isumaqatigiinninniutigineqartarput.

*Kaasarfimmiussat atisassarsiutissallu*

§ 19. Inuit innarluutillit tapersorsorneqarnissaannut Inatsisartut inatsisaanni nr. 13, 12. juni 2019-imeersumi §§ 48 aamma 73 naapertorlugit imatut aalajangersaasoqarpoq:

Meeqqat inuusuttullu 16-it inorlugit ukiullit	Ulloq unnuarlu ataaseq kr. 57,05
Inuusuttut 16-18-inik ukiullit	Ulloq unnuarlu ataaseq kr. 69,96
Inuit 18-it qaangerlugit ukiullit siusinaartumik soraarnerussutisiaqanngitsut	Qaammammut kr. kr. 2.120

Namminersorlutik Oqartussat innarluutilinnut paaqqinniffinniinnermi kaasarfimmiussat atisassarsiutissallu:

*Imm. 2.* Aningaasat imm. 1-imi taaneqartut procenti aaqqiissutaasartooq atorlugu ukiumut nalimmassarneqartarput.

*Illersuisutut akissarsiat*

§ 20. Inuit innarluutillit tapersorsorneqarnissaannut Inatsisartut inatsisaanni nr. 13, 12. juni 2019-imeersumi § 24 malillugu illersuisoq sulinermini imatut akissarsiaqartinneqassaaq:

	1. januar 2023	1. april 2023
Illersuisup akunnermi siullermi akissarsiaa	Kr. 613	Kr. 613
Tamatuma kingorna akunnermut	Kr. 429	Kr. 429

Illersuisoq nalunaaquttap akunnerani siullermi akissarsiasai akissarsiatigut inissisimaffik 33-mut, Namminersorlutik Oqartussani aamma Kalaallit Nunaanni Kommunini atorfilinnut atorfillit pillugit isumaqatigiisummi allaqqasoq malillugu, inissinneqarsimapput. Nalunaaquttap akunnerani siullermi akigititap annertussuserai akissarsiatigut inissisimaffik 33 / 173,33 x 3.

Tamatuma kingorna illersuisup akunnermut ataatsimut akissarsiasai akunnerup siulliup 70%-eraat.

Ataatsimiinnerit kisimik akissarsissutigineqassapput. Suliassanik piareersaanerit kingornalu sularinninnerit akissarsissutigineqarneq ajorput.



*Imm. 2.* Akigititaq qulaani taaneqartoq Naalakkersuisut aamma Atorfillit Kattuffiata isumaqatigiissutaat Namminersorlutik Oqartussani kommuninilu atorfilittut suliaqarnermut isumaqatigiissut malillugu nalimmassarneqartassaaq.

### **Qimarnguimmi Illernit-ni najugaqarnermut akigititat**

§ 21. Inersimasunut paaqqinniffiit immikkut ittut pillugit Inatsisartut peqqussutaanni nr. 6, 28. april 1988-imeersumi § 4, imm. 1 aamma § 6 kiisalu Inersimasunut paaqqinniffiit immikkut ittut pillugit Namminersornerullutik Oqartussat nalunaarutaanni nr. 10, 1. april 1995-imeersumi § 1, § 3 aamma §§ 28-29 naapertorlugit imatut aalajangersaasoqarpoq:

Arnanut qitornalinnut annersarneqarsimasunut nuna tamakkerlugu qimarnguimmik katsorsaaffiusumik misiligutitut aallartitsisoqarsimavoq. Neqeroorut arnanut meeralinnut najukkaminniit qimagukkallarnissaminnut pisariaqartitsisunut tunngatinneqarpoq, najukkami katsorsaaviusinnaasumik atuinissaq naapertuutinngikkaangat, taamaalillunilu aamma najukkaminni qimarnguimmiissinnaanngikkallartunut. Sullitat katsorsaavimmi uninnganissamik, katsorsartinnissamik kiisalu siunnersorneqarnissamik ilitersorneqarnissamillu neqeroorfigineqassapput. Katsorsaavik Nunatta Karsianit kommuninillu aningaasalersorneqassaaq.

Ilaqutariinnut ulloq unnuarlu akigitinneqartoq malillugu najugaqarnermut akiliutissaq aalajangersarneqarpoq	Ulloq unnuarlu akigitinneqartoq kr. 946
---	--

*Imm. 2.* Aningaasat imm. 1-imi taaneqartut procenti aaqqiissutaasartoq atorlugu ukiumut nalimmassarneqartarput.

### **Atuutilersitsineq**



§ 22. Kaajallaasitaq manna 1. januar 2023-mi atuutilissaaq. Peqatigisaanik 17. december 2022-miit isumaginninnikkut aningaasat tunniunneqartartut atuuttut pillugit Naalakkersuisoqarfiup kaajallaasitaa nr. 296 atorunnaarpoq.

*Isumaginninnermut, Ilaqutariinnut Inatsisinillu Atuutsitsinermut Naalakkersuisoqarfik ulloq 19.  
December 2022*

*Lona Lyng  
Naalakkersuisoqarfimmi pisortaq*